

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 37. stav (5) i 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24 i 12/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 61. sjednici, održanoj dana 13.12.2024. godine, d o n o s i

O D L U K U
o usvajanju Programa utroška sredstava budžeta Zeničko-dobojskog kantona
Instituta za zdravlje i sigurnost hrane Zenica
za projekte iz oblasti veterinarstva i bilja

Član 1.
(Predmet)

Usvaja se Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za „Projekte iz oblasti veterinarstva i bilja“, u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ u iznosu od 150.000,00 KM (slovima: stotinupedesethiljada konvertibilnih maraka), Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24) i čini sastavni dio ove odluke.

Član 2.
(Način realizacije sredstava)

Sredstva planirana ovim Programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.
(Realizacije Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-20723/24
Datum, 13.12.2024. godine
Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x „Službene novine Zeničko-dobojskog kantona“,
1x a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA
ZENIČKO - DOBOJSKOG KANTONA
INSTITUTA ZA ZDRAVLJE I SIGURNOST HRANE ZENICA
ZA PROJEKTE IZ OBLASTI VETERINARSTVA I BILJA**

Zenica, decembar 2024. godine

Podaci o programu

Program je usvojen:	na 61. sjednici Vlade Zeničko-dobojskog kantona, održanoj 13.12.2024. godine.
Period realizacije Programa:	Realizacija „Programa utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja“, izvršiće se u 2024. godini.
Ukupna vrijednost Programa:	150.000,00 KM
Namjena Programa:	Zaštita zdravlja ljudi i životinja, smanjenje upotrebe antibiotika, unapređenje sigurnosti hrane, unapređenje laboratorija, usklađenost akreditacija i usklađenost sa evropskim normama, smanjenje infestacije parazitima i pojave invazivnih bolesti kod životinja, zaštita od biljni patogenih štetnika u voćarstvu, implementacija biosigurnosnih mjera.
Korisnici Programa:	„Institut za zdravlje i sigurnost hrane“ Zenica
Izvor sredstava:	Budžet Zeničko-dobojskog kantona za 2024. godinu, Ministarstvo za poljoprivredu, šumarstvo i vodoprivredu, " Tekući transfer za „Institut za zdravlje i sigurnost hrane Zenica za projekte iz oblasti veterinarstva i bilja“
Odgovorna osoba:	Jasmin Čajić, ministar

I NAZIV PROGRAMA

„Program utroška sredstava Budžeta Zeničko-dobojskog kantona „Instituta za zdravlje i sigurnost hrane Zenica za projekte iz oblasti veterinarstva i bilja“, u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ (u daljem tekstu: Institut)

„Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja“ (u daljem tekstu: Program) određuje se iznos sredstava za transfer i dodjelu po utvrđenom prijedlogu Projekata, na zahtjev Instituta.

II ZAKONSKI OSNOV ZA PROGRAM

Zakonom o izvršenju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) opredijeljena su sredstva na poziciji „Institut za zdravlje i sigurnost hrane Zenica za projekte iz oblasti veterinarstva i bilja“ u ukupnom iznosu od 250.000,00 KM.

Članom 37. stav (5) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) propisano je da će se budžetska sredstva na poziciji Tekući transfer za „Institut za zdravlje i sigurnost hrane Zenica” koristiti prema programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog Zakona.

III SVRHA PROGRAMA

- Podizanje svijesti te znanja svih sudionika u sektoru poljoprivrede i animalne proizvodnje o značaju redovnih provođenja kontrola zdravstvene ispravnosti živežnih namirnica te kontrole zoonoza, antimikrobne rezistencije, sigurnosti hrane, zaraznih i parazitarne bolesti te ekonomski značajnih bolesti;
- Praćenje stanja zoonoza, zaraznih i parazitarne bolesti te ekonomski značajnih bolesti na nivou Zeničko-dobojskog kantona;
- Jačanje kapaciteta znanja svih sudionika u sektoru poljoprivrede i animalne proizvodnje po pitanju najnovijih zootehničkih mjera uzgoja, ishrane, organizacije proizvodnje i eksploatacije životinja, te načina neškodljive utilizacije animalnog otpada;
- Unapređenje razvoja sektora pčelarstva na nivou Zeničko-dobojskog kantona;
- Jačanje kapaciteta znanja za uspostavljanje adekvatnih biosigurnosnih mjera kod subjekata u poljivanju sa hranom (SPH) te na farmama životinja kao uslov za nesmetan nastavak jačanja potencijala Zeničko-dobojskog kantona po pitanju proizvodnje hrane za izvozna tržišta

IV IZVORI FINANSIRANJA I VISINA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ planirana su sredstva u iznosu od 250.000,00 KM

Na zahtjev Instituta, akt broj: 02-3934/24 od 31.10.2024. godine dostavljen je Prijedlog projekata iz oblasti veterinarstva i bilja u ukupnom iznosu od **150.000,00 KM**. Utvrđeni iznos realizovaće se u skladu sa prilivom sredstava u Budžetu. Za prekoračeni iznos odobrenih sredstava Institut će obezbjediti vlastita sredstva.

V UTVRĐENI PROJEKTI

1. ONE HEALT

- Kontrola i praćenje zoonoza na području Zeničko-dobojskog kantona
- Antimikrobna rezistencija
- Unaprjeđenje sigurnosti hrane na području Zeničko-dobojskog kantona
- Uspostava mreže Agrometeoroloških stanica (AMS) na području Zeničko-dobojskog kantona

2. MJERE BIOSIGURNOSTI

- Biosigurnosne mjere na farmama i SPH
- Afrička svinjska kuga
- Rezidue i kontaminanti u hrani

3. AKREDITACIJE I CERTIFIKACIJE VETERINARSKIH LABORATORIJA

- ISO 17025

4. RAZVOJ PČELARSTVA

5. PARAZITARNE I EKONOMSKI ZNAČAJNE BOLESTI ŽIVOTINJA

VI AKTIVNOSTI PLANIRANE PROJEKTIMA

Aktivnosti koje su planirane predloženim projektima:

- Nastavak saradnje sa držaocima životinja, farmerima, proizvođačima i prerađivačima u Zeničko-dobojskom kantonu, kao i sa nadležnim općinskim/gradskim i kantonalnim službama;
- Nastavak saradnje sa registrovanim veterinarskim stanicama Zeničko-dobojskog kantona koje bi u sklopu svojih aktivnosti svaku sumnju na zoonozu prijavili u Veterinarski zavod kako bi se poduzele detaljne laboratorijske pretrage;
- Aktivno provoditi monitoring zoonoza kroz program mjere zdravstvene zaštite životinja Zeničko-dobojskog kantona i Federalnog ministarstva poljoprivrede, vodoprivrede i šumarstva;
- Nastavak edukacije i podizanje svijesti o zoonozama i biosigurnosnim mjerama putem seminara i edukativnih materijala;

- Praćenje, analiza i proučavanje stanja u pogledu pojave, kretanja, suzbijanja i iskorjenjavanja zaraznih, parazitskih i drugih bolesti kod životinja;
- Izrada izvještaja o zoonozama na području Zeničko-dobojskog kantona;
- Obilazak veterinarskih stanica i edukacija zaposlenika Instituta sa ciljem promocije antimikrobne rezistencije;
- Izrada izvještaja o provedenim aktivnostima i izrada edukativnog materijala;
- Edukacija zaposlenika Instituta vezanim za AMR;
- Analiza određenih uzoraka na detekciju uzročnika i antibiogram (mlijeko);
- Prijedlog poboljšanja za antimikrobnu rezistenciju (AMR);
- Uzorkovanje hrane, vode i briseva, razvoj i implementacija okvira standarda kvaliteta;
- Nastaviti saradnju sa veterinarskim stanicama na području ZDK koje bi u sklopu svojih aktivnosti svaki sumnjiv uzorak na pčelinje bolesti dostavili na laboratorijske pretrage;
- Edukacija pčelara putem seminara, okruglih stolova i panel diskusija;
- Uraditi hemijsku analizu meda pčelara sa područja ZDK;
- Uspostava saradnje sa lovačkim društvima ZDK - Uspostava saradnje sa veterinarskim organizacijama na nivou ZDK;
- Uvid u populaciju lovačkih pasa na području ZDK;
- Analiza dobivenih rezultata;
- Uvid u zdravstveno stanje lovačkih pasa -Uzimanje uzoraka stolice i kontrola stanja;
- Prijedlog o poduzimanju profilaktičkih i biosigurnosnih mjera;

VII KORISNIK SREDSTAVA

Korisnik ovih sredstava Budžeta Zeničko-dobojskog kantona za 2024. godinu je Javna ustanova - „Institut za zdravlje i sigurnost hrane“ Zenica.

VIII NAČIN I ROKOVI IZVJEŠTAVANJA

Korisnik doznačenih sredstava Institut dužan je dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2025. godine. U slučaju da Korisnik doznačenih sredstva ne dostavi narativni i finansijski izvještaj o utrošku sredstava za odobreni projekat do ostavljenog roka neće biti prihvaćen za finansiranje projekata u narednoj fiskalnoj godini.

Broj: 02-11-20723/24
Datum, 13.12.2024. godine
Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x „Službene novine Zeničko-dobojskog kantona“
1x a/a.